

San Judas

Juda Jesu yarãre gojabeoñumi

¹ Yũhũ Juda Santiago pagũ magũ Jesucristo pohro majagũ mũare Jesu yarãre ipũre gojabeoa. Mũare mari Pagũ Goãmũ ĩgũ beyenirã áhraa. Eropirã ĩgũ mahiri mera õaro áhraa mũa. Eropigũ mũare Jesucristo ĩhadibumi mũa ñerire iibiriborore. ² Õadorea mũare. Goãmũ itamuro mera õaro árĩque mũa. Eropigũ Goãmũre mójomoro ĩhadore, mũare mahidoregũ serēbasaa yũhũ Goãmũre. Mũa gajirã mera õaro áhri erãre mahiborore serēbasaa Goãmũre.

Gũyarã erã buherire werenũgañumi Juda

³ Goãmũ marire peamegue wabonirãre ĩgũ itamuripũre turaro gojabeodiarabũ mũare, yũ mahirãre. Eropa gojadiaqueregũ ta dohpaguere gũyari buherire gamedorebigũ mũare gojabeoa. Gajirã mũa pohro ejanirã erã gũyari buherire mũa peebiriboro dopa mũare gojabeoa dohpaguere. Eropirã Jesucristo ya buheripũre buhe tarinũgaque. I buheripũre peerã, mari Goãmũre õaro umupeoa. I buheripũ Jesu ĩgũ apinirã ĩgũ yarãre erã buhera eropa árĩniguicãro iiaa gohroto mariro. ⁴ Bajamerãgã masa ñerã ĩha masiya marirã mũa pohro ejanirã árĩma. Mũa mera árĩrã erã buherire buhe gũyama gũare ĩha masiri arĩrã. Õpa arĩ buhema: “Goãmũ yarã mũa árĩcũ, ĩgũ mahimi mũare. Eropigũ nome mera mũa ñero iicũ ĩgũ mũare

ne dipuwaja moasome,” arĩ buherima erã. Eropirã mari Opure yujugu ta árĩgure Jesucristore “Goãmũ magũ árĩbeami,” arĩ buherima erã. Eropa arĩ buherãre Goãmũ ĩgu dipuwaja moaborore wereñumi iribojeguerẽ ĩgu yare erã gojarapũgue.

⁵ Dohpaguere gajire guñacũ iidiaa mũare. Ire mũa masiquerecũ ta dipaturi mũare ire guñacũ iidiaa. Goãmũ ĩgu yarãre Egipto árĩnirãre ĩgu wiura pũhrũ erã mera majarã ĩgure umupeobirininãre Goãmũ wejẽñumi. ⁶ Eropirã mũa gajirã sãre guñaque. Gajirã anyuapũ Goãmũ doreri iinirã, pũhrũ iidiabiriñuma. Eropirã erã ĩgu árĩdore apidiro sãre erã árĩdiabiriñuma. Eropirã erã árĩdirore cóãcãñuma erã. Erã eropa cóãcũ ĩagu Goãmũ erãre naitãarogue erãre peresu iinũmi. Eropirã erã pehrerinũ core comedare dirinirã iro dopa árĩniguicãrãcoma. Eropigu pehrerinũ árĩcũ dipuwaja moagucumi Goãmũ erãre. ⁷ Eropa ta ñero iinũma gajirã sã. Erã sãre guñaque mũa. Erã Sodoma waĩcũri maca majarã, Gomorra waĩcũri maca majarã iri macari pohro árĩri macari majarã sã nome mera ñero iimũriñuma. Eropirã gajiropa árĩri sãre iinũma. Erã ɸmapũ erã basi ta erã dũpũ mera ñero iinũma. Nome sã eropa ta iinũma erã seyaro. Erã eropa iira dipuwaja Goãmũ erãre soepehocãñumi. Erãre soegu Goãmũ árĩpehrerã ĩgure tarinũgarãre ĩgu dipuwaja moaburire ĩhmugũ iinũmi. Erãre ĩgu dipuwaja moari peame ne yarisome.

⁸ Erã Goãmũre tarinũganirã iidiro dopa dohpague sã eropa ta iiniguicãma gũyarire

buherã. Erã pee masibirã iro dopa ta erã dũpũ mera ñero iima. Eropirã mari Opũ dorerire gamebeama erã. Eropirã deyobirãre, umaro oparãre, turarãre erãpũ ñero werenigui corema. ⁹ Ōagũ anyua opũpũ Migue waĩcũgũ ĩgũ turagũ árĩqueregũ ta watĩpũre ñero werenigui corebiripũ. ĩgũ Moise dũpũ mũrarore gamegũ, watĩ mera game dũyasopũ. Turagũ árĩqueregũ ta ĩgũ watĩ tauro “Yũ tamera turaa,” arĩ pepibiripũ. Eropigũ ĩgũ gamero watĩre “Peamegue waporu,” arĩ weresãbiripũ Goãmũre. Eropigũ õpa arĩpũ watĩre. “Goãmũgue mũre turiporo,” arĩpũ Migue watĩre. ¹⁰ Oã gũyarãpũ erã masibirirare ñero werenigui corema. Eropirã waimũrã pee masibirã erã gamero ñero iiro dopa ta erã gũyari wererãpũ eropa iimaacãma. Eropa iirã árĩrã peamegue warãcoma.

¹¹ Erã ta ñero tarirãcoma. Caín iribojegue majagũ iidiro dopa ta ñero iima erã. Eropirã Balam sã ĩgũ iidiro dopa ta erã niyerure mahi, aĩdiarã gũyarire buhema. Eropirã niyeru aĩri dihtare pepima erã. Eropirã iribojegue majagũ Coré waĩcũgũ ĩgũ opũre Moiserẽ ĩgũ cóãdorediagũ ĩgũ iidorediro dopa ta erã sã Jesure eropa ta cóãdorediama. Eropirã ĩgũ iidiro dopa ta erã sã peamegue warãcoma. ¹² Erã mũare gũya wererãpũ mũa game mahi ii ĩhmuburi bosenuire barã, umupeori mariro erã erã gamero bira, erã seyaro ta barire bapehocãma gajirãre oro mariro. Eropirã ñerire iirã erã mũa bosenuire õarinũri waboraãnerẽ goroweoma. Deco mariri imica cururi iri mari otera itamubiro dopa ta erã

guyarire buherã ne mware itamubeama. Eropiro iri imica cururi miruñe weãcã eropa gohrotoniguiro dopa ta erã guyarã sã erã wereniguirire gohrotoniguiçãma. Yucũ ducacubiriri yucũ duhpiburi árĩbiro dopa erã duhpimorã árĩbeama. Erã buheri mera gajirãre Goãmure umupeocã iibeama. Yucũgũ dũca maricã ãha mari duha peamegue soe cõãcãa irigũre. Eropa ta Goãmũ erãre guyarãre peamegue cõãgũcumĩ. ¹³ Pãgũri pumarare pamujupira iro dopa erã ñerire gũhyasũurire wereniguima. Necãmũ yuridija ãgũ pehrero dopa ta erã sã pehrea warãcoma. Erã eropa ñero iira dipuwaja dederea warãcoma. Goãmũ erãre dipuwaja moacũ naitĩarogue árĩniguiçãrãcoma.

¹⁴⁻¹⁵ Enoco iribojegue majagũ Adãn pũhrũ siete cururi pũhrũ majagũ õpa arĩmũriñumi. “Peeque yũre. Goãmũ bajarã ãgũ anyua õarã mera árĩpehrerã ñerãre erã ñerire iira dipuwaja moagũ arigũcumĩ. Eropigũ árĩpehrerã Goãmure ãhaturirãre erã ñeri iira dipuwajare erãre masicũ iigũ arigũcumĩ Goãmũ. Eropigũ Goãmure erã ñero wereniguira dipuwaja sãre erãre masicũ iigũ arigũcumĩ,” arĩmũriñumi Enoco mũrũ. ¹⁶ Erã guyarã gajirãre dũyaso ñero werenigui corerã, erã ñero ãaribejari dihtare iirã ãhrima erã. Eropirã “Gajirãre masitarinũgaa gũa,” arĩrima erã. Eropirã erã gamero dopa iidiarã gajinore emadiarã, peemaja õaro wereniguima masare.

Jesu yarãre werenemoñumi Juda

17 Mari Opɯ Jesucristo buhedore ĩɣɯ apinirã erã buherare guñaque mɯapɯ, yɯ mahirã. 18 Ōpa arĩma erã mɯare. “I yeba pehrebro coregã Goãmɯre ñero arĩ wereyarã árĩrãcoma. Eropirã erã Goãmɯre gamebirã, ñerire erã ɯaribejarire iirãcoma erã,” arĩ werema Jesu ĩɣɯ apinirã mɯare. 19 Jesu yarãre erã basi erã game ĩhaturicũ iima erã ɣɯya wererãpɯ. Eropirã ñerã erã ñeri ɯaribejarire iirã árĩrã, Espĩritu Santore ne opabeama erã.

20 Mɯapɯ yɯ mahirã, Jesucristo ya buherire õaro peenemoque guñaturarã mɯa árĩboro dopa. Iri buheripɯ õataria. Espĩritu Santo itamuri mera Goãmɯ mera wereniguique mɯa. 21 Goãmɯ mɯare bɯrigã mahimi. Eropirã ĩɣɯ mɯare mahiniguiboro dopa ñeri mariro árĩniguicãque Goãmɯ ĩɣɯ dorero dopa. Eropirã Jesucristo mera mɯa eropa árĩniguiburire coreque. ĩɣɯ marire mojomoro ĩagɯ ɯmaroguere eropa árĩniguicũ iigɯcumĩ.

22 Cristo yare peediabiriñarirãre mojomoro ĩaque. Eropirã erãre Jesucristo ya diaye árĩrire wereque. 23 Erãre peamegue wabonirãre Goãmɯre itamucũ iique mɯa. Gajirã ñerire iirã wahama. Erã ñerire dooque. Erãpɯre mojomoro ĩaque mɯa. Erãre itamurã mɯa sã õaro iique erã ñeri iirire ĩhacũri arĩrã. Gɯhraricɯri suhrirore mɯa gamebiro dopa ta, gajirã erã ñeri iirire gamebircãque irire pɯhreri arĩrã.

*Juda Goãmɯre ĩɣɯ umupeori ãhrɯ
ɯmaroguere eropa árĩniguicaa*

24-25 Goãmũ mari Opũ marire ãhadibumasimi ñerire mari iibiriboro dopa. Eropigũ ãgũ marire ñeri dipuwaja marirãre umarogue ãgũ pohrogue apimasimi. Eropa marire ãgũ erogue apicũ mari mucubirirãca. ãgũ Goãmũ yujugũ ta ãhrimi. Eropigũ peamegue wabonirãre taugũ ãhrimi ãgũ. ãgũ iribojegue dohpague sãre õatariagũ, mari tauro opũ árĩgũ, turatariagũ, árĩpehrerãre doregũ ãhrimi. ãgũ Eropa árĩgũ árĩcũ Jesucristo yarã árĩrã ãgũre umupeorã. Eropa ta iirã. Iripẽta ãhraa.

Goãmu Yare Wereripu
Desano: Goãmu Yare Wereripu New Testament
copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022
17771afc-c309-57fd-9ff3-2d5a0cd59ff1